

SCRIPT OF MORNING GOJRI NEWS BULLETIN 12JULY 1015 HRS

مارننگ گو جری نیوز بلیٹن مورخہ 12 جولائی 2025

یوہ آکا شوانی جموں ہے محبوب سلطانہ تیں خبر سُنو۔

PM ROZGAR MELA

وزیر اعظم نریندر مودی نے اج ویڈیو کانفرنسنگ غے ذریعے بکھ بکھ سرکاری محکماں تے تنظیمان مانہ نوکری لین آلا 51 ہزار نوجوانان نانہ تقرری نامہ تقسیم کریں گا یا تقریب حکومت گی طرفوں چل رہی روز گار میلا گی پہل گو حصو ہے اس دوران وزیر اعظم نوا پھرتی ہون آلا نوجوانان سنگ خطاب وی کرے گا 16 وہ روز گار میلو پورا ملک گی 47 جگہاں ور منعقد کیوجے گو واضع رہ جے یہ بھرتی مرکزی حکومت گا بکھیکھ محکماں تے وزارتاں مانہ کی جارہی ہیں تے پورا ملک توں نوا پھرتی ہون آلا نوجوان وزارت ریلوے وزارت داخلہ صحت تے کاندانی بہبود محنت تے روز گار محکمہ تے دیگر وزارتاں تے محکماں مانہ شامل وے گا تے روز گار میلاں گے تحت ہون توڑی پورا ملک مانہ 10 لکھ تو متا تقرری نامہ تقسیم کیا گیا ہیں۔

LG DELEGATIONS

سابق وزیر تے پیپل ڈیموکریٹک فرنٹ گا صدر حکیم محمد یا سین نے اپنی جماعے غے ہمراہ پچھلے تہاڑے سرینگر مانہ لیفٹیننٹ گورنر منوج سنہا سنگ ملاقات کی اس دوران وفد غی طرفوں نوجوانان نانہ بالاختیار بنان سیاحت گا شعبہ گا فروغ ت ضلع بڈگام مانہ سیاحتی جگہاں نانہ دوبارہ کھولن جیسا اہم مسائل ور گل بات کی گئی اونگا کشمیر مانہ وے رہیا اقلیتی نوجوانان گا اک وفد نے وی لیفٹیننٹ گورنر منوج سنہا سنگ ملاقات کی اس وفد نے کشمیر مانہ رے رہی اقلیتی آبادی گا فلاحی مسائل بارے جانکاری دتی اس تیں علاوہ لیفٹیننٹ گورنر منوج سنہا نے ڈاکٹر محمد سوبیب ظہور گی طرفوں لکھیو حوصلہ افزائی گیت جس گو عنوان جے کشمیر 370 توں یونٹی تھو نانہ وی جاری کیو۔ ایل جی موصوف نے ڈاکٹر ظہور نے اُن گی ٹیم نانہ اس گیت بارے مبارک باد دتی جس نے دفعہ 370 گی منسوخی توں بعد جموں کشمیر مانہ اتحاس ترقی تبدیلی نانہ دسیو ہے۔

CS MSME HEALTH CLINIC

جموں کشمیر مانہ اک مضبوط تے ترقی پسند صنعتی نظام قائم کرنکا مقصد سنگ چیف سیکرٹری اٹل ڈلو نے پچھلے تہاڑے جموں کشمیر گی پہلی ایم ای او ہیلتھ کلینک گو افتتاح کیو ہے یاہ پہل صنعتی یونٹنانہ پیش آنالی دقتا گا نمیڑہ واسطے کی گئی ہے جس مانہ صنعت گا متعلقہ فریق تے منیا واں منیجمنٹ اداراں گ امابریں گی سفارش گی بنیاد ور مخصوص مداخلت فراہم کی جے گی افتتاح تقریب سنگ خطاب کرتا واں چیف سیکرٹری نے صحت مرکز نانہ ایک اہم ادارہ جاتی نظام قرار دتو جہیڑو صنعتی یونٹس نانہ پیش آن آلا دباؤ تے بروقت حل نانہ یقینی بناوے گو اُنہاں نے اس سہولت گا موثر استعمال گی ضرورت ور زور دیتا واں کہیو جے فراہم کرن آلی خدمات اعدادو شمار ور مبنی تے ضرورت گے مطابق ہونی چاہیے۔

AMARNATH YATRA

سالانہ شری امرناتھ جی یاترا جہڑی اس ماہ غی 3 تاریخ تیں شروع ہوئی تھی پہلگام تے بالتال گا دواں رستاں تیں خوش سلوبی تے سکون غے نال جاری ہے مارا نامہ نگار غے مطابق ہُن توڑی 1 لکھ 63 ہزار 726 تیں زیادہ یاتری مقدس گپھا مانہہ درشن کرچکا ہیں پیش ہے۔ اج سویرے 11 ووں قافلہ مانہہ 6639 یاتری جن مانہہ مرد خواتین بچہ سادھو تے سادھوی شامل تھا 275 گڈیاں مانہہ ۲ الگ الگ قافلاں غی صورت مانہہ جموں غا بھگوتی نگر بنیادی کیمپ تیں روانہ ہوا ہیں جس مانہہ 4955 مرد 1462 خواتین 41 بچہ 144 سادھو 37 سادھوی شامل تھا۔

HAJ COMMITEE

جموں کشمیر حج کمیٹی گا موجودہ پینل گی مدت پوری ہون آلی ہے جس سنگ نوا پینل بنان گی راہ ہموار ہوتی دسے لی مہار ا آکاشوانی جموں گا نمائندہ غ مطابق موجودہ حج کمیٹی جہڑی کہ لیفٹیننٹ گورنر مونج سنہا نے 20 جولائی 2022 نانہہ بنائی تھی گی مدت 19 جولائی 2025 نانہہ پور ہو جے غی حج کمیٹی گا قانون غے مطابق نوی کمیٹی مانہہ 7 ممبر شامل وے گا جن مانہہ ایک موجودہ رکن پارلیمنٹ دو قانون ساز اسمبلی گا ممبر تے مقامی اداراں توں اک نمائندو شامل وے گو اس ضمن مانہہ مرکزی زیر انتظام علاقہ گائین گا دفعہ 239 گے تحت لیفٹیننٹ گورنر جہڑا ایڈمنسٹریٹر یعنی منظم ہیں کمیٹی گا ممبر گی تقرری گو اختیار رکھے۔

ACCIDENT

رامبن ضلع گا سیرا باتھی ڈابدرورہ علاقہ مانہہ ایک افسوس ناک سڑک حادثہ مانہہ چار افراد وقت ہو گیا ہیں جدکہ دودویگر زخمی ہیں یو حادثو پچھلی شام اُس ویلے پیش آيو جد کہ سینا باتھی توں کھڑاں جارہی اک ٹا تا سومو سڑک توں کھسک گے 800 فٹ ڈونگی کھائی مانہہ جاپی زخمی ہون آلا 2 افراد نانہہ علاج و معالجہ خاطر سرکاری طبی کالج اننت ناگ تور یو گیو جد کہ پولیس نے معاملو درج کرگے تحقیقات شروع کردتی ہے۔ لیفٹیننٹ گورنر منوج سنہا نے مرکزی وزیر مملکت داکٹر جتندر سنگھ نے اس حادثہ مانہہ قیمتی جاناں گا زایاں ہون ور دکھ گو اظہار کیو ہے۔

BLIND CRICKET

جموں کشمیر مانہہ نابینا افراد واسطے کرکٹ ایسوسی ایشن نے ضلع انتظامیہ دوڈہ گا تعاون سنگ سرکاری ڈگری کالج بہدرواہ مانہہ 3 روزہ کرکٹ ٹورنامنٹ گو آغاز کیو اس تقریب گو افتتاح ایڈینشل ڈپٹی کمشنر بہدرواہ سونیل بوٹیا تے بہدرواہ ترقیاتی اتھارٹی گا اعلیٰ ایگزیکٹیو افسر دیویندر سنگھ جسروٹیہ نے کہیو۔ اس تقریب مانہہ قومی تے بین العوامی جہڑا یوٹی توں تعلق رکھے حصو لے رہیا ہیں۔
